

Wisst`s ihr üwaupt wia schei,
as gounze Lebn fia ins kaunn sei?

Da Stress und oll di Sorgn, des kaunn a jeda va
ins sogn, tuan ins holt im gaunzn Lebn, olle recht
vül plogn.

Fiar di oan sans Problemchen in Liebesdingen,
die eam zan Herz gaengan und nieda zwingan,
fiarn aundan, der nimmt sunst olls recht locka,
den schmeisst vielleicht amol a Trauerfoll vom Hocka.

Maunchmul kinnt ma moana, ma schmeisst olls nieda,
owa donn gibt`s ebn wos, dass ma weitamocht, imma wieda!

Im Grund san ma eh olle gleich,
nur, wos ma aus oan sölba mocht,
unterscheid uns vo orm und reich!

Die Eifersucht und da Neid,
bringt um an Vastaund so maunche Leit!

Da oane hots im Brieftaschl net so dick und fett,
owa den finden olle aundan trotzdem nett.
Er hot holt wos, do braucht er ka Göld,
des is van Herrgott gebn, und sicha as wichtigste
auf derer Wölt!
Humor und Gsundheit is eahm beschert,
und mochnn fiar olle Liebenswert!

Da nächste schwimmt vielleicht im Göld, is so reich dass er scho stinkt,
hot a fetts Auto, Gold und Diamantn, dass nur so blinkt.
Owa ob der wirkli reich is, vamog i net zan denkn,
wann koa aundra do is, der eahm a bissl a Liebe tuat schenkn!

Wisst`s wos im gaunzn Leben no so wichtig is?
Net olls so tief ins Herz einilossn! Des is Gwiss!

Mocht`s imma nur an kloan Schritt, nehmts net olle Sorgn überoll mit!

Nehmt`s euch mal Zeit um olls zan übadenk, n
ma muass si net olle Tog um olls kränkn!
Schmeisst`s o den gounzn Ballast, die gounze Plog,
und wanns nur kurz is, wenigstens fiar oan Tog!

Schaut`s oamol net auf d`aundan Leit,
nehmts euch oamol nur fiar eich sölwa Zeit!

Heart`s eini in eicha Herz, und find`s an Sinn, a neichs Zül!
Glaubt`s ma, des gibt eich Kroft, des bringt eich fül!
In eich drin, do schlummat so maunche Energie und so vül Kroft,
dass ma sogor an Weg durchs Feia schofft!

Suacht`s nach Ruhe und innerer Balance,
denn hom so mounche negativn Sochn koa Chance!

